



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

17. Suspectum Patribus & periculum Fati nomen quo bono intellectu possit nominari?

urn:nbn:de:hbz:466:1-45653

Int̄e, sed ad diuinam prouidentiam, vnde oritur, relatus. Per eius
modi autem ordinem seu dispositionem dicitur *diuina prouiden-*
tia suis queque nētere ordinibus, quia, illius interuentu reipsa,
perficit Deus, quae apud se statuit facienda. Videt enim omnia an-
tē, quām fiant: & alia quidem absolutē statuit facere, alia autem
facere, sub conditione; alia etiam permettere: quae omnia certō
praeuidet. Vnde illa, vt in scholis loquuntur, *in sensu composito*, seu
posito, quod praeuideantur à Deo, qui falli non potest, necessita-
tem quandam, non *antecedentem*, sed *consequentem* accipiunt; quae
libertati non obstat. Sicut non obstat libertati urbem, sua sponte,
ingredientis, quod eum vigil in turri excubans videat ingredien-
tem. Liberè ingreditur in urbem, & posset non ingredi, si vellet,
aut sub ipsa etiam porta reuerti; quod ipsum etiam excubitor ē
turri videret. Si tamen ponamus, videri eum ingredientem à vi-
gile, necesse est, eum ingredi, non quidem absolutē, & quantum
attinet ad illius liberrimam voluntatem; sed respectiuē, atque in-
ordine ad illum, qui eum conspicit intrantem: non enim eum
conspiceret, si non intraret; nec posset non intrare, si intrare con-
spiceretur; si tamen sponte non intraret, intrare non conspicere-
tur. Hoc intellectu fortasse Martianus scripsit. Parcas esse, libra-
rias cælitum, archiuique custodes, quae sententias Iouis, orthogra-
phæ, studio veritatis, excipient, apud Poëtas. Nam, in libro vitæ,
&, in diphthera diuinæ Prouidentiæ, inscripta sunt, quae sunt pro-
specta, &, si prospecta, vera sunt: itaque certō atque infallibiliter
erunt futura; licet non futura, & adeò etiam non prospecta esse.
potuissent, si, qui liberè agunt, aliter agere voluissent.

Hanc subtilitatem, quia non satis docti, non satis capiunt, XVII.

Fati nomen antiquis Patribus & suspectum, & periculosum visum
est; neque tamen, ob infallibilem Dei prouidentiam, omnino
repudiatur. Hinc circumspecte D. Augustinus ait: *Omnia fato*, S. Augustin-
fieri, non dicimus; immo nulla fieri fato dicimus: quoniam *fati nomen* lib. 5. de Ci-
vbi solet à loquentibus ponni, id est, in constitutione siderum, qua quisq; uit. cap. 9.
conceptus, aut natus est, quoniam res ipsa inaniter assertur, nihil valere
monstramus. *Ordinem autem causarum*, vbi voluntas Dei plurimum
potest, neq; negamus, neq; fati vocabulo nuncupamus, nisi forte ut fatum
à fando dictum intelligamus, id est, à loquendo. Non enim abnuere pos-
sumus, esse scriptum in litteris sanctis: *Semel locutus est Deus, duo hæc*
audiui: Quoniam potest Deus: & Tibi, Domine, misericordia,
qui

qui redditis unicuique secundum opera eius. Quod enim dictum est, semel locutus est Deus, intelligitur, immobiliter, hoc est, incommutabiliter, si-
c ut nouit incommutabiliter omnia, quae futura sunt, & quae ipse facturus
est. Hac itaque ratione possemus à fando fatum appellare, nisi hoc nomen
iam in alia re soleret intelligi, quo corda hominum nolumus inclinari.
Et ibidem. Voluntates nostræ aliquid per se valent, quia voluntas at-
que facturas ille prescivit, cuius præscientia falli non potest. Quapropter,
si mihi fati nomen alicui rei adhibendum placaret, magis dicerem, fatum
esse infirmioris, potentioris voluntatem, qui cum habet in potestate, quam
illo causarum ordine, quem non usitato, sed suo more, Stoici farum ap-
pellant, arbitrium nostræ voluntatis auferre. Vbi in compendio ha-
bes, quidquid huc usque disputatum est, nomen Fati vitandum.
Christiano, aut ita intelligendum, ut neque ab astris, neque à cau-
sarum ordine vis aut necessitas liberae hominis voluntati inferri
existimetur; tametsi Deus, etiam quæ liberè ac contingenter fu-
tura sunt, necessariò & non contingenter, sed certò ac infallibili-
ter præuideat, & unicuique, secundum opera eius, quæ præuidet,
reddere statuat; siue præmia, secundum misericordiam, siue sup-
plicia secundum potestatem. Hinc sicut à Quintiliano, siue quisque
Fortune faber, ita etiam sui dici quisque potest Fati author; prout
enim se gerit, sic recipit. Sic Deus infallibiliter recepturum vidit,
sic ab æterno, visis delictis, aut meritis, incommutabiliter statuit:
sic facta, antequam fierent, iudicauit. Qua de causa recte Sopho-
nias dixit: Quærite Dominum omnes mansueti terræ, qui iudicium
eius estis operati: ita enim estis operati, sicut Deus ab æterno præ-
uidit iudicauitque, vos mercede dignos, quærite ergo Dominum,
ut ab eo, quod meruistis, accipiatis. At quærat aliquis, si homines,
Fato non aguntur, sed diuina prouidentia omnia contingunt,
quamobrem tanti Casus humana rotent? posset enim utique
cælestis illa sapientia hominem, per compendia ducere.

Sophon. 2.3.

Huic questioni etsi sufficerent causæ Casuum
superiùs allatae, paulò tamen dedu-
ctiùs, est responde-
dum.